



საქართველოს იუსტიციის უმაღლესი საბჭო

ქ. თბილისი № 1/49

“ 17 ” ივნისი 2021 წ.

ბ ა ნ კ ა რ ბ უ ლ ე ბ ა

გ. ზადრიაშვილის თბილისის სააპელაციო სასამართლოს სამოქალაქო საქმეთა
პალატის მოსამართლის თანამდებობაზე უვადოდ გამწესების შესახებ

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4¹ პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, გელა ზადრიაშვილი 2021 წლის 18 ივნისიდან გამწესდეს თბილისის სააპელაციო სასამართლოს სამოქალაქო საქმეთა პალატის მოსამართლის თანამდებობაზე უვადოდ, კანონით დადგენილი ასაკის მიღწევამდე.

ნინო ქადაგიძე

საქართველოს უზენაესი სასამართლოს თავმჯდომარე
საქართველოს იუსტიციის უმაღლესი საბჭოს თავმჯდომარე

დასახუთება
გელა ბადრიაშვილის თბილისის სააპელაციო სასამართლოს
მოსამართლის თანამდებობაზე დანიშვნის თაობაზე

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2021 წლის 22 თებერვლის №1/6 გადაწყვეტილებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის თბილისის სააპელაციო სასამართლოს სამოქალაქო საქმეთა პალატის მოსამართლის 3 ვაკანტურ თანამდებობაზე.

კანდიდატთა რეგისტრაცია მიმდინარეობდა 2021 წლის 23 თებერვლიდან 9 მარტის ჩათვლით. მითითებულ ვაკანსიაზე დარეგისტრირდა 9 კანდიდატი.

მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის გელა ბადრიაშვილზე მოძიებულ იქნა „საერთო სასამართლოების შესახებ“ საქართველოს ორგანული კანონის 35² მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 2021 წლის 29 მარტს.

კანდიდატის შესახებ მოძიებული ინფორმაცია:

გელა ბადრიაშვილს აქვს სპეციალობით მუშაობის 25-წლიანი, მათ შორის მოსამართლედ მუშაობის 8 წლისა და 9 თვის გამოცდილება. იგი საერთო სასამართლოების მოსამართლეა 2012 წლის 1 ივლისიდან. გელა ბადრიაშვილი მოსამართლედ განწესებამდე იყო თბილისის დიდუბე-ჩუღურეთის რაიონულ პროკურატურის პროკურორი. ამჟამად იგი არის თბილისის სააპელაციო სასამართლოს სამოქალაქო საქმეთა პალატის მოსამართლე.

გელა ბადრიაშვილს აქვს საქმეთა განხილვის კარგი მაჩვენებელი როგორც პროდუქტიულობის, ისე სტაბილურობის კუთხით. მოღვაწეობის ბოლო 3-წლიან პერიოდში დასრულებული აქვს 1574 საქმე (საშუალოდ დღეში 1.6 საქმე), ხოლო გასაჩივრებული გადაწყვეტილებებიდან უცვლელი დარჩა საქმეთა 88,7%. გელა ბადრიაშვილს აქვს საქმეთა განხილვისას საპროცესო ვადების დაცვის მაღალი მაჩვენებელი, კერძოდ, მას საქმეთა 94,4% განხილული აქვს საპროცესო ვადების დაცვით.

მოსამართლედ მუშაობის პერიოდში მის მიმართ არ დაწყებულა დისციპლინური დევნა, არ ყოფილა გამოყენებული დისციპლინური სახდელი ან დისციპლინური ზემოქმედების ღონისძიება.

გელა ბადრიაშვილი არის საქართველოს იუსტიციის უმაღლესი სკოლის მასწავლებელთა საბჭოს წევრი და სალექციო კურსის ავტორი სისხლის სამართალსა და სისხლის საპროცესო სამართალში; აგრეთვე - მოსამართლეთა ტრენერი თემებზე: კორუფციასთან დაკავშირებულ საქმეთა ეფექტიანი განხილვა და სიძულვილის მოტივით ჩადენილი დანაშაულების ეფექტიანი განხილვა. იგი არის „სასამართლოს ორგანიზებისა და მენეჯმენტის სახელმძღვანელოს“ თანაავტორი (2016 წ.). საქართველოს პრეზიდენტის განკარგულებით 2005 წლის 25 მაისს დაჯილდოვებულია „ღირსების მედლით“.

კანდიდატთან გასაუბრება:

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ გელა ბადრიაშვილს გაესაუბრნენ 2021 წლის 18 მაისს. გასაუბრება წარიმართა ღია სხდომაზე და მას ესწრებოდა არასამთავრობო ორგანიზაციის წარმომადგენელი.

კანდიდატის შეფასება:

2021 წლის 7 ივნისიდან 11 ივნისამდე პერიოდში იუსტიციის უმაღლესი საბჭოს 12-მა წევრმა კანდიდატი გელა ბადრიაშვილი შეაფასა კომპეტენტურობისა და კეთილსინდისიერების კრიტერიუმების მიხედვით.

გელა ბადრიაშვილის კეთილსინდისიერების კრიტერიუმით შეფასებისას, საბჭოს შემფასებელმა 11-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს, ხოლო ერთმა წევრმა მიიჩნია, რომ არ აკმაყოფილებს.

საბჭოს წევრთა მიერ გელა ბადრიაშვილის კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 1064 ქულა, რაც ქულების მაქსიმალური რაოდენობის 88,67%-ია.

კენჭისყრის შედეგები:

2021 წლის 17 ივნისს თბილისის სააპელაციო სასამართლოს სამოქალაქო საქმეთა პალატის მოსამართლის პირველ ვაკანსიაზე ჩატარებული კენჭისყრის შედეგად, რომელშიც მონაწილეობა საბჭოს 12-მა წევრმა მიიღო, გელა ბადრიაშვილმა მოიპოვა 10 ხმა.

აღნიშნულ ვაკანსიაზე ბიულეტენში შეყვანილ იქნა 8 კანდიდატი, მათგან 6 მოქმედი მოსამართლე (2 - სააპელაციო ინსტანციიდან, 4 - პირველი ინსტანციიდან), 1 ყოფილი მოსამართლე და 1 იუსტიციის უმაღლესი სკოლის ყოფილი მსმენელი, კერძოდ:

1. ბადრიაშვილი გელა - 10 ხმა
2. გოგატიშვილი დიანა - 0 ხმა
3. გოგიშვილი ანა - 0 ხმა
4. გოცირიძე კობა - 0 ხმა
5. გრატიაშვილი გიორგი - 0 ხმა
6. დუგლაძე ქეთევან - 0 ხმა
7. ტყეშელაშვილი რომეო - 0 ხმა
8. ფორჩხიძე ვიოლეტა - 0 ხმა.

2 ბიულეტენი გაბათილდა.

დასკვნა:

კანდიდატი გელა ბადრიაშვილს კეთილსინდისიერების (საბჭოს 11-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს) და კომპეტენტურობის (სამართლებრივი დასაბუთების უნარის, სამართლებრივი ნორმების ცოდნის, წერის უნარის) კრიტერიუმების გათვალისწინებით, კენჭისყრის შედეგების საფუძველზე, სხვა კანდიდატებთან შედარებით უპირატესობა მიენიჭა და შესაბამისად, თბილისის სააპელაციო სასამართლოს სამოქალაქო საქმეთა პალატის მოსამართლის თანამდებობაზე უვადოდ, კანონით დადგენილი ასაკის მიღწევამდე განწესდა გელა ბადრიაშვილი.

ნიკოლოზ მარსაგიშვილი
საქართველოს იუსტიციის
უმაღლესი საბჭოს მდივანი